

"S.I.D.A.: ZEMAI AUNDI ORI"

ARDUREA

"S.I.D.A.". Orixe da gaur egunean aoz-ao entzuten dogun berbea, eta bildurrez entzun, zeatzago esanda.

Zalantza barik, azken aldiotan gai bat erabilli izan ba'da mezu edo albiste-emoillean artean, orixe izan da, ain zuzen be. Minbiziaren antzera, ez jako konponbide edo txerto miraritsu bat aurkitu gatx orreri orain arte beintzat, eta on dala-ta geroago eta aundiagoa egiten doa jendearen eta jakitunen kezka eta ardurea.

IKAREA

Urte batzuk atzera joanda, iñork ez eukan gaixotasun orren barririk; alan be, bere ondorioak gaurkoak baizen izugarriak izango ziran ziurkiro. Egun batean, baiña, gizon ospetsu batek, Rock Hudson, antzezleri ipar-amerikarrak, gatx orrek jota aurkitzen zala autortu eban eta ortik aurrerantza, gauzak guztiz aldatu ziran.

Bat-batean eta abiada aundiz, mundu onetako bazter guztietara zabaldu zan barn ori eta bildurra eta ikarea nagusitzen asi ziran. Osagilleak, adituak eta ikerlariak, bitartean, euren lanari ekin eutsoen urtenbideren bat billatzearren edo.

"MAGIK"

Eta gatx orreri buruz, eretxi batzuk agertu ziran. Orrein artean zelan drogazaleak eta "homosexual"ak ziran SIDA artzeko albiderik geienak eukezanak. Ortik aurrera orma aundi bat sortu zan jende orrein inguruan.

Olan, orreitariko bat izan ezker, zureak egin dau, eta alderantziz, ez ba' zara ardurarik ez.

Era orretan, bereizkeri itzelak egin eta egiten dira notin edo pertsonen artean. Asmo edo pentsakera orreik ostera, oker egozan, jarraian ikusiko dogun lez.

Egun oneitan, SIDA'gaz zer ikusi osoa daukan albiste bat nagusitu da izparringi, aldizkari eta mezu-bide guztietan: EARVIN "MAGIC" JOHNSON Los Angeles Lakers saski-baloi taldeko jokalaria eta izar aundiak autortu barn dau SIDA'ren gatxa daukala eta ondorenez kirola egiteari itziko dautsala.

EDOZEIN

Barriak, zabaldu orduko, gogor astindu dauz bai Laterri Batuak eta bai gaiñontzeko errialdeak; orretzaz ganera, jendearen pentsakera aldatuazo be bai.

EARVIN JOHNSON berak egizaletasun aundiz esan dauanez: "Guk uste dogu ez jakula geuri iñoz jazoko on, besteai baiño". Orain, ostera, berari eldu jako zoritxar ori. Eta berari lez, edozeñeri jazo leitekio gauza bera.

"MAGIC" JOHNSON'ek, sendotasun eta adore aundiz, jakin izan dau gatx ikaragarri on artu eta aurrera egiten, bildurru barik eta garrantzi asko kenduaz. Adituen ustez, jokabide orrek indar aundia emon leio jendeari, au, arazoaren aurrean jarri daiten.

SIDA or dogu, gure aldiko arazo larri ta aundia. Earvin Johnson'en jazoerak balio begigu zemai ori kontutan artuta, geure egoereagaz konturatu eta zentzutasunez jokatzeko mailla guztietan.

MALAX-ETXEBARRIA TAR JON
"KALAMUA"

EUSKERAZAINTZA'tik:

EUSKERAZAINTZA ERRI-AKADEMIA'k ZER Aldizkariaren irakurle guztiai eta euskaldun guztiai oar an egiten dautse: Erakunde onen lenengo Lendakaria izan zan Akesolo ta Olibares'tar Lino joan jakunetik, lendakari barik izan dala, lendakari ordeak bere lekua beteten ebal, eta joan dan azillaren 30'ean egindako batzarrean egin zala auteskundera utsune ori beteteko. Olazar eta Uribe'tar Martin izan zan lendakaritzarako aukeratua eta Lendakari-orde Zubikarai eta Bediaunaeta'tar Augustin.

Urtearen asieran gagozen ezker, irakurleai oarra: Arpidetzaren ordaina diran 1.200 pezeta bialdu dagiezela arren. Oar au batez be Bilbao'tik kanpoan bizi diranentzat da. Bialtzeko erarik onena txeke bat bialtzea da. Ipiñi txekean EUSKERAZALE-AK izena eta bialdu zuzenbide onetara: EUSKERAZALEAK: Colon de Larreategui 14, 2.^a - 48001 - Bilbao.

EUSKERAZALEAK ALKARTEA'k eta ZER aldizkariak Gabon Zoriontsuak eta Urte Barri gozoa opa dautsez bazkide ta irakurle guztiai.

Z U ZENDARITZA - BATZORDEAK